



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus II. Quæ usuræ, & quo jure sint probitæ?

[urn:nbn:de:hbz:466:1-73064](#)

ARTICULUS II.

Quæ usura, & quo jure sunt prohibita?

C ommunis tenet usuras compensatorias 1013
nullo jure prohibitas esse, de quo dicemus infra. Punitorias autem, seu morosas, juris forma non patitur, nisi sint moderatae, ac proportionatae dilatationi solutionis culpabili; quod verum est, licet quantitas poenæ conventione partium taxata sit, ut constat ex L. 15. C. de usuris, ibi: *cum allegas uxorem tuam ea conditione mille aureorum numero quantitatem sumpisse, ut si intra certum diem debito satis non fecisset, cum pena quadruplici redderet, quod accepit, Iuris forma non patitur, legem contractus hujus ultra penam legitimarum usurarum posse procedere.* Manet ergo solas usuras lucratorias esse prohibitas.

S. I.

Quo jure usura lucratoria sit prohibita?

H anc usuram esse prohibitam jure positivo Ecclesiastico, constat ex Clement. unic. de Usuris, ibi: *si quis in illum errorem inciderit, ut pertinaciter affirmare presumat, exercere usuram, non esse peccatum, decernimus, cum velut hereticum puniendum, locorum nihilominus Ordinariis, & heretica pravitatis inquisitoribus distractus injungentes, ut contra eos, quos de errore hujusmodi diffamatos invencint, aut suspectos, tuncquam contra diffamatos, vel suspectos de heresi procedere non omittant.*

Quæstio potissima est, an prohibita sit solo jure positivo Ecclesiastico? id, quod tribuitur Abulensi, Armacano, & Ancharrano apud Haunoldum tom. 3. de jure, & justitia. tr. 9. n. 367. Concors tamen Theologorum sententia est, *usuras lucratorias* esse prohibitas non solum Jure Canonico, sed etiam divino, & naturali; sic Cardenas in Crisi Theol. de proposit. ab Innocent. XI. damnatis, dissertat. 25. c. 2. volens, dictam prohibitionem esse de fide; quamvis alii sentiant apud Haunold. cit. *propositum, quæ docet, usuram lucrativam esse solius Juris Ecclesiastici, esse temerariam, periculosam, erroneam, vel errori proximam, quorum terminorum expositionem dedimus superius.* In cit. tamen Clement. §. pertinaciter, dicitur: *pertinaciter afferem, exercere usuras, non esse peccatum, hereticum esse, juxta summationem Joann. Andreæ; quamvis textus solum dicat: decernimus velut hereticum puniendum.*

Ec

Esse

Tom. V.

1016 Esse prohibitam jure etiam divino, constat ex cit. Clementina, ubi postquam dicitur: *Officiales communitatum, facientes, dictantes, vel sribentes statuta super usuris solvendis, non repetendis, vel non restituendis, vel judicantes secundum illa, vel non delentes illa (si possant) intra tres menses de libris communitatum, vel illa servantes, excommunicatos esse, expresse subiungitur: talia statuta esse contra jura divisa pariter, & humana. Constat etiam ex c. super eo,*

4. h. t. ibi: respondemus, quod, cum usurarum crimen utriusque testamenti pagina detestetur, super hoc dispensationem aliquam posse fieri, non videmus; ubi subiungit Alexander III. id à fortiori dicendum, cùm scriptura sacra prohibeat pro alterius vita, posse mentiri. Hinc Psalm. 14. qui pecuniam suam non dedit ad usuram, dicitur habitaturus in tabernaculo DEI, & requieturus in monte sancto ejus. Unde etiam Lucae 9. habetur: *mutuum date, nihil inde sperantes.* Accedit, quod si in mendaciori non possit dispensatio, à fortiori nec dari possit in usuris, ut expresse loquitur Alexander III. in cit. c. 14. usus autem mendacii est indispensabilis *jure naturae;* ergo etiam usurarum usus à fortiori, consequenter *jure naturali, & divino prohibitus.*

1017 Et ratio est; quia jure naturae iniquum est, ut ex contractu oneroso plus exigatur pro dato, quam datum valeat, hoc præcisè titulo, *quia datur,* sed in hoc consistit usura merè lucrative, cùm scilicet pacto initio exigitur lucrum ex mutuo præcisè vi mutui; ergo usura merè lucrative iniqua, consequenter *jure naturali* prohibita est. Unde omnino negandum venit, dationem pecuniae, v. g. centum, factam alteri, *secluso alio titulo, quam quod alteri detur,* pluris valere, quam præcisè centum. Rationem hujus dat Esperanza l. 8. q. 46 a. 5. quia res usu consumptibiles non habent maiorem utilitatem, si possideantur brevi, quam si possideantur diu, si secludas utilitatem, quam prästat possessio eo tempore, quo tibi corum usus est opportunitus, & hic & nunc commodus; ergo si tibi ultra sortem solvatur ea utilitas, quā te privas alteri mutuando, non est ullus titulus aliquid ultra sortem exigendi, nisi præcisè titulus mutui, in commutatione autem plus exigere, quam res valent, ex natura rei iniquum est; ergo. Ex quo

colliges, utilitatem pecuniae, quā talis, non esse nisi pro unico aëtu, quo distrahitur, reliquo tempore, quo servatur otiosa, nullam habere utilitatem pretio estimabilem, adeoque ex diversitate temporis, quo quis possidet, & alter non possidet, si supponamus, nullum cessare lucrum, nullum emergere damnum, nec periculum imminere mutuanti, non praestare nullum titulum exigendi aliquid ultra sortem.

Dices r. in rebus, quæ usū non consumuntur, usū alteri concessus, est pretio estimabilis, licet alter concedens retineat dominium, & ipse usū non fuisset; quia is, cui conceditur usū rei, ex hoc habet commoditatem; ergo pari modo poterit aliquid in mutuo exigi ultra sortem pro speciali commoditate, quam à me accipit mutuatarius ex pecunia, & ejus usū. Confirmatur: res, ac ejus usū plus valet, quam sola res; ergo qui dat centum, ac ejus pecuniae usū, plus ex justitia potest exigere, quam tantum centum.

r. C. ant. N. conseq. ad prob. anteced. dist. ideo in priori ipse etiam usū rei usū non consumptibilis (etiam ut distinctus à re) est pretio estimabilis, quia is, cui conceditur talis usū rei, habet commoditatem ex tali usū, re adhuc manente alienā C. re propriā ipsius utentis. N. ant. in consequenti autem usū rei mutuo data est usū rei utentis propriæ. Ad confirmat. r. antecedens verum esse, si usū maneat usū rei alienæ; pro usū autem rei mee, iustissime alius exigit pretium. Qui autem dat mutuorem, constituit hanc sub meo domino, unde tali casu utor *re meā, non alienā;* quando utor pecuniā mutuata: ergo, qui eam mihi mutuò dedit, non potest plus, quam datum sit, à me justè exigere proprius pecuniae. Hinc universaliter notandum, *aliud esse,* cùm queritur, an licet pacisci aliquid ultra sortem manendo in terminos mutationis; aliud egrediendo terminos mutationis, & accedendo ad contratum, quo se quis obligat, ad lucrum cessans, vel damnum emergens. Manendo in puro statu mutationis (qui scilicet attendatur pecunia præsens in ordine ad commodum, quo se privat mutuans, quod habere posset ex ea præsente, vel periculum, quod subit in recuperanda pecunia) pecunia præsens nichil utilitatis explicat, pretio estimabilis, sive sit apud mutuantem, sive apud mutua-

mutuatarium, sive sit numerata, sive numeranda, secus est, si attendatur illud commodum, periculum, aut quid simile; sed sic non statur *intra terminos præcisæ seu puræ mutuationis*.

1020 Dices 2. si verum est, quod mutatio pecuniae non sit pretio estimabilis ultra solutionem sortis, poterit quis absque usura mutare centum cum obligatione post annum solvendi centum, & alia centum *remutuandi*, stando intra terminos præcisæ mutuationis: quia recipiens centum, quæ mutuo dedit, & alia centum mutuo accipiens, nihil acciperet ultra sortem. Nam hæc *remutatio (stando intra terminos præcisæ mutuationis)* non habet aliquid utilitatis pretio estimabilis, quo remutans se privat, ut ponit casus. R. et si ex hoc præcisè, quod pecunia sit *otiosa* apud mutuantem, vel mutuatarium, non fiat pretiosior, si stenus intra terminos puræ mutuationis; quia tamen *obligatio remutuandi* (consequenter curandi, ut habeat, quod reciprocè mutuet, & suam pecuniam exponat periculo, salvam, vel sine damno, recipiendi, quod natura videtur inesse mutuo) pretio estimabilis est, rechè sequitur *mutuantem cum tali obligatione* ultra solutionem sortis, jam ultra sortem aliquid recipere, si superaddat obligacionem remutationis. Quarè nego sequelam.

1021 Dices 3. Quando celebratur contratus mutui, si inæqualitas inter id, *quod datur*, & à mutuante *recipitur* sic, ut mutuans plus det, quam à mutuatario recipiat; ergo ultra sortem licet potest aliquid exigere, quo fiat æqualitas. Ant. prob. Mutuans, *de presenti* dat centum; mutuatarius de præsenti *solum dat obligacionem solvendi centum de fusuro*, talis autem obligatio minoris est, quam centum de præsenti: ergo. R. N. ant. stando in terminis præcisæ mutuationis. Ad prob. data majori; N. min. stando in terminis puræ mutuationis, ut constat ex dictis.

§. 2.

An sit usura aliquid in mutuo pacisci, ultra sortem, titulo damni emergentis?

1022 Non est dubium, multum interesse mutuantis, si cum mutuo conjungitur damnum, vel lucri cessantis, vel etiam damni emergentis. Hoc enim titulo sortis, seu datum, evadit estimabilius,

Tom. V.

quam sit eo secluso. Unde pretium, quo estimatur ejusmodi damnum, *interesse* vocari solet. Not. autem, quod nomine damni etiam *utilitas amissa* veniat, per L. cùm Prætor, ff. de V. S. Coeterum *lucrum cessans, & damnum emergens* inter se differunt; illud enim consistit in non acquirendo, istud in jactura jam acquisitorum. Frequenter enim contingere potest, quod quis carere debeat incremento lucri, quod obtinere potuisset, si pecuniam suam retinuisse; vel expensas cogatur facere in sorte recuperanda per lites &c. quo casu jactura illius incrementi est *lucrum cessans, & expensæ causatae, damnum emergens*, quo posito:

Quæstio est, an *citra vitium usura*, 1023 deduci possit in pactum illud ipsum interesse, seu pretium damni emergentis, quod mutuans subire cogitur mutuando, esto sit ultra sortem, præcisè acceperam? R. affirmativè; ita S. Thomas. 2. 2. q. 78. a. 1. ad 2. & communis. Ratio est; nam onus obligationis ad carendum pecuniâ suâ cum tali damno, est pretio estimabile; ergo se obligans ad illud sustinendum sub conditione, *si mutuatarius ultra sortem promittat solvere interesse*, seu pretium, quod valet ejusmodi damnum, non querit hoc lucrum ex titulo *mutui præcisè*, sed titulo damni; ergo non est pactum usurarium. Not. tamen, posse considerari aliquid discrimen inter mutuantem *sua sponte*, & inter mutuantem *ex alterius requisitione*; cùm enim mutuanti damnum aliquod evenire possit, antequam terminus solutionis veniat, dubitari potest, an exigere ultra sortem, ac interesse ordinarium, quod mutuo inest, si tunc patitur gravius damnum emergens, ejus compensationem justè à mutuatario exigat? Respondet probabilis Cardinalis de Lugo D. 25. de Justit. S. 6. n. 74. & cum co Haunold. tom. 3. de Jure & Just. tr. 9. n. 391. si hoc ipsum non est deductum in pactum, *negative*. Nam tali casu mutuans sibi adscribere debet, quod illo expressè non caverit. Nam, cessante morâ saltem injustâ, non est locus *interesse*. Ex hoc sequitur, idem dicendum in casu, quo mutuans ex eo patetur damnum, quod in tempore non fiat solutione sortis, sine culpa mutuatarii Theologica. Sic Haunold. cit. Nam damno alteri secuto ex actione mea, *non iusta Theologica* (nisi aliud sit deductum in

Ecc 2

p-a

pactum,) non teneor præstare compensationem; quia tali casu nec obligat res alteri accepta, nec injusta acceptio, quæ sunt radices juris alieni ad æqualitatem realem reducendi, si læsum sit.

§. 3.

An sit usura, pacisci aliquid in mutuo ultra sortem, titulo lucri cessantis?

1024 **R** Es. si premium, seu valor lucri cessantis, mutuanti nascentis ex mutuo, deducatur in pactum (licet sit ultra sortem) sic pacisci non fore usuram. Ita Cardin. de Lugo cit. n. 953. & communis. Nam in tali casu, lucrum ultra sortem in mutuo, non provenit *vi mutui præcisè*, sed *vi oneris*, pretio æstimabilis, cui in commodum mutuatarii se subjicit mutuans.

1025 Not. autem, 1. ut *aliquid exigere ultra sortem* titulo damni emergentis, vel lucri cessantis, sine usura, atque adeo licet fiat, requiri, quod mutuum sit *causa illius damni*, vel *jacture lucri*, hoc est, quod ideo cesset lucrum, quia pecuniam, quâ illud fecisset, mutuò dedit. Sic Lessius l. 2. c. 20. d. 11. alias desiceret titulus, ob quem tale lucrum justè peti possit à mutuatario. Not. 2. requiri, ut non exigatur, vel accipiat plus, ratione lucri cessantis, quam spectatis omnibus circumstantiis, arbitrio prudentum, illud valeat, & æstimetur; alias excessus jam esset *vi mutui*, vel saltem cum injustitia, *vijacturæ*, quæ non est. Not. 3. requiri principaliter ad justitiam lucri cessantis, ut interest lucri cessantis non anticipato, seu statim solvatur; sed in termino, quo solvendum est ipsum mutuum, seu fors accepta. Si enim mutuò dans 1000. aureos, ex his, titulo lucri cessantis, sibi reservet 100. & solum 900. det mutuatario, nullum lucrum ipsi cessaret, & tamen, titulo lucri cessantis, 100. ex mille exigeret; aliud est, si rem non frugiferam, valentem tamen 100. mutuatarius daret; sic enim adhuc maneret lucrum cessans. Azor. p. 3. l. 5. c. 5. q. 3. in fin.

1026 Not. 4. Lucrum cessans, non minus, quam damnum emergens, venire nomine *damni*. Nam reverà, etiam teste glossa in L. Non amplius; ff. de Legat. 1. *damnum patitur, qui perdit lucrum*, & in L. 13. ff. Rata rem haberi, æquè ac illud, vocatur *interesse*; ibi: *se commissa est stipulatio in tantum competit, in quantum mea interfuit*, id est, quantum mihi abest, quantumque

lucrari potui: apertius L. *anica*, C. de sent. quæ pro eo, quod interest, proferuntur, ibi: *& hoc non solum in damno*, sed etiam *in lucro nostra amplectitur constitutio*, quia ex eo Veteres id, quod interest, statuerunt. Not. 5. *pecuniam*; propter occasionem negotiandi, & lucrandi, plus valere, quam secundum se præcisè; unde si mutuans propterea aliquid ultra sortem accipit, non exigit illum excessum sortis (stando intra terminos præcisæ mutationis) adeoque non commitit usuram paciscendo solutio- nem ejus ultra sortem.

Not. 6. Licet in L. 21. §. 3. ff. de action. empt. dicatur, *non venire in compensationem lucrum extrinsecum*. Emptori cessans ex eo, quod venditor traditionem rei emptæ non fecerit; sed tantum lucrum intrinsecum; non æquè idem inferri in mutuo, & aliis contractibus. Nam in his debetur etiam lucrum extrinsecum. Quod enim ibi dicitur, est speciale in materia contraetatis *empionis*, & *venditionis*, ubi empior & venditor pari jure gaudet, quin empotor teneatur venditori ad lucrum cessans ex mora non soluti pretii, adeoque vicissim.

Not. 7. Fundamentum, ex quo, circa labem usuræ, licet pacisci aliquid ultra sortem titulo lucri cessantis, desum ab eo, quod cuivis competat jus, servandi se in deminem, adeoque possit justè pacisci compensationem, ut in se suscipiat onus, & obligationem tolerandi eventum indemnitatæ noxiæ, si à mutuo causetur: at jactura lucri cessantis propter mutuum, est evenitus indemnitatæ mutuantis noxiæ; cùm ille revera faciat damnum ex n. 1026. ergo.

Not. 8. Non obstat pacto solvendi lucrum cessans ex mutuo, licet mutuans habeat aliam pecuniam, quam negotiari posset, & lucrum illud facere, quam relinquit otiosam ex causa justa v. g. *ut cùm possit in casibus non prævisis*. Sic enim in re lucrum illud adhuc ipsi cessat *vi mutui*. Ita Haunold. cit. tom. 3. tr. 9. n. 400. id, quod apud cundem procedere vult Cardin. Lugo, esto aliam pecuniam relinquit otiosam etiam sine tali causa. Lucrum enim, quod facere poterat cum pecunia mutuò data, adhuc cessat *vi mutui*, licet lucrum, quod responder pecuniæ, quam relinquit otiosam, non causetur à mutuo, sed ejus negligientia, quod cùm uti noluerit.

Not. 9. Dubitari, an si quis de indu-
stria

Atria servet pecuniam (cum qua aliás negotiando lucrum fecisset) eo animo, ut dā occasione, illam dare mutuō possit, cum mutuum facit, possit nihilominus pacisci, ut sibi solvatur intereste lucri cessantis? Videtur enim, quod non; quia quando talis pecunia mutuō datur, jam cessavit lucrum antecedenter ex omissa negotiatione; ergo illius lucri cessantis causa non est mutuum; at lucrum cessans, sed non ex mutuo, mutuans non exigit licet à mutuariō: ergo. *rg.* lucrum cessans ante factam in re mutationem pecuniae, non causari à mutuo, secundum quod hæc mutatione est illo posterior, bene tamen, secundum quod mutuum antecedit ipsam lucri cessationem. Quando autem quis omis̄a negotiatione (unde cesseret lucrum) servat pecuniam, ut opportunè illam dare mutuō possit, mutatione est finis, & cessatione lucri ex prætermissa negotiatione est medium; finis autem in genere causæ finalis, & intentione, in sui cognitione antecedit medium; ergo adhuc etiam lucrum illud, quod cessavit de præterito, causari potest finaliter à mutuo, licet realiter posteriore.

1030 Confirmari potest exemplo, quod affert cit. Cardinalis de Lugo. Nam ubi habentur montes pietatis, licet aliquid ultra sortem exigitur in mutuo pro expensis in Ministros; & tamen hæc expensa fiunt, antequam datur mutuum. Quod licet in dicto casu aliquid exigitur, constat ex eo, quod id fiat approbante summo Pontifice; quod autem ex hoc ad priorem casum recte arguitur, ex eo constat; quia sicut illæ expensæ exiguntur ultra sortem in gratiam pauperum, qui mutuum petituri sunt, sic in gratiam aliorum pariter postulaturum mutuum, fit omis̄io negotiationis. Id tamen universum tenendum est, ut quod ultra sortem tituto lucri cessantis in pactum deducitur, non excedat spem lucri, ex negotiatione faciendi, si non daretur mutuum, definiendum non cupiditate, sed arbitrio prudentum.

§. 4.

An in mutuo, titulo lucri cessantis, sed incerti, liceat pacisci de certo, ultra sortem?

1031 Videlicet negandum 1. propter constitutionem Pii V. qui anno 1571.

prohibuit taxationem certi pro incerto; 2. propter S. Thomam, qui q. 13. de malo, à 4. ad 14. videtur negare, quod liceat in mutuo ultra sortem aliquid pacisci titulo lucri cessantis, etiamsi mora causa esset. Affirmativa tamen, quam sequitur Covarruv. l. 3. Variar. c. 4. n. 5. Navarrus in summa c. 17. n. 361. & complures alii, videuntur probabilior. Nam lucrum, quod quis faceret negotiando cum sua pecunia, est pretio estimabile; & licet incertitudo de quantitate lucri faciendi, minuat ejus estimationem, non tamen tollit omnem, supposita prudenti spe cum incertitudine quanti; ergo prudenter taxatur quantum ejus, & ultra sortem in pactum deducitur, cum sic non fiat vi mutui præcisè, sed vi damni; pretio estimabilis, cui mutuans se subjicit mutuando.

Ad constitutionem Pii V. respondent alii *1032* qui apud Haunoldum tom. 3. tr. 9. n. 398. non esse usū receptam, extra dictiones Pontificias; alii, eam loqui solum de cambiis, ubi periculum usura frequentius est, adeoque cum pœnalis sit, extendi non oportere. Coeterum dici potest, illam procedere solum in casu, quo certum taxaretur pro incerto generaliter, non consideratis circumstantiis, ex quibus spes lucri faciendi crescit, aut decrescit. Ad S. Thomam *rg.* cum loqui de lucro cessante, quando illud erat in potentia planè remota, & multis modis impeditibili, ac nullatenus destinata ad negotiationem; Secùs, fierat in potentia propinqua, ut contingit apud eos, qui norunt, & solent labore suo, & operâ, pecuniam facere frugiferam. Aliud est, si sola carentia pecuniae, per tempus contentum in mutuo, pretio taxaretur, & ultra sortem deduceretur in pactum mutationi adjectum, sine respectu ad lucrum cessaturum, vel damnum aliud, aut periculum recipienda fortis, aliumve tamē titulum. Tunc enim omnino illicitum foret; nam sic esset præcisè *vimutui*; cum ei intrinseca, & essentialis sit ea carentia.

§. 5.

An sit usura illicita, ratione periculi, cui mutuum exponitur, pacisci aliquid ultra sortem?

1033 Prædiculum hoc tenere se potest vel ex parte rei mutuatae, vel ex parte mutuata-

Ecc 3 tuata-

222 Tract. in Lib. V. Decretal. Quæst. XIX.

tuatarii; ex parte rei, ut si per mare, vel vias periculosa transportanda sit; ex parte mutuatarii, ut si hic sit morosus, vel periculosus, aut fraudulentus debitor, & inde fiat, debere quæri debitum viis molestis, per lites, processus, &c.

1034 Resp. Posito contractu mutui, licet adjici paetum aliquid solvendi ultra sortem, ratione periculi tenentis se ex parte rei mutuatae, si vere subit, aut prudenter timeatur; & mutuans in se suscipiat; hoc enim mutuanti onerosum, & mutuatario commodum est. Unde illud ultra sortem non exigitur, vi mutui, sed vi alterius pacti, quo mutuans se obligat mutuatario, ad illud sibi onerosum, & ipsi commodum, ultra sortem. Sic Lugo D. 25. S. 6. n. 76. Azor p. 3. l. 5. c. 6. q. 1. & hoc paetum vocatur *asscurationis*. Posito autem contractu mutui, licet adjicitur paetum, aliquid solvendi ultra sortem, ratione periculi tenentis se ex parte mutuatarii. Nam obligare se ad subeundum hoc periculum, est quid pretio estimabile, independenter à sorte; ergo premium æquivalens alio titulo, & non vi mutui præcisè exigitur, ergo non est usurarium. Ita Less. l. 2. c. 20. dub. 13.

1035 Necobstat, quod in c. Naviganti, h. t. dicitur: *naviganti, vel eunti ad nundinas, certam mutuans pecunia quantitatem, pro eo, quod suscipit in se periculum, recepturus aliquid ultra sortem, Usurarius est censendus.* Nam omisis aliorum hujus capituli interpretationibus respondet Layman. 13. tr. 4. c. 15. n. 12. & cumeo Barbosa in cit. c. n. 2. debere intelligi de casu, quo simpliciter mutuatur, & non expressè celebratur paetum *asscurationis*, eo, quod tali casu periculum præsumatur potius pallium usuræ, & quidam solus prætextus pallandi usuram. Alii dicunt, omnino in tali casu usuram committi, si detur mutuum sub conditione, quod mutuatarius obliget se ad solvendum premium *asscurationis*; cum illud sit novum onus mutuatario, pretio estimabile, inhibitum in contractu mutui. Sic Lessius cit. n. 116. Pithing hic n. 48. sed hoc periculum nec ex parte sortis, nec ex parte mutuatarii est necessariò inhibitum in natura mutui, ut sic.

1036 Si quereras, an sit usura illicita, pacisci poenam à mutuatario solvendam, si statuto tempore non solvat sortem? g. tripli- cem esse poenam. I. *Legalem*, quæ lege, vel

statuto imponitur; 2. *Judicalem*, quæ imponitur per Judicem; 3. *Conventionalis*, quæ statuitur mutuo partium consensu, & conventione; & de hac quæstio procedit, respondeaturque, *negative*: quia tunc lucrum poenale, quod solvit ultra sortem, non vi mutui, sed vi culpæ, seu culpabilis moræ, à mutuatario admisæ, exigitur. Sic Azor p. 3. l. 5. c. 6. q. 5. Lessius cit. c. 20. dub. 15. Not. tamen, non licere hoc poenale paetum in fraudem usurarum; nimirum *utendo titulo pena*, ad palliandum lucrum usurarium, quod mutuando intenditur; Sic Lessius cit. n. 111. Deinde, requiri, ut intercedat vera culpabilis mora mutuatarii, & poena non excedat culpam, ac mora sit notabilis &c. Coeterum eti poena legalis, & judicialis solvenda sit, non nisi post sententiam Judicis; secus tamen est de conventionali, ut pote statuta consensu partium; sic Lessius n. 136. saltem altero solutionem exigente, cum moribus hominum non satis consenteantur sit, ut poena solvatur ante executionem. Sic Azor q. 5.

§. 6.

An sit paetum usurarium, restituendi rem mutuatam in eadem mensura, & bonitate, licet postea premium ejus decreverit?

R Esp. 1. non esse usurarium pacisci, 1037 ut, si dem tres v.g. scaphas tritici, toridem in eadem bonitate solvantur post annum, si tempore mutationis æquè incertum sit, quod interim rei pretium creaserit, vel decrescerit. Nec etiam, ut pro tribus v.g. scaphis frumenti, mihi praefixo termino ejusdem bonitatis frumentum reddatur secundum præsentem valorem, stante illâ incertitudine; sic de utroque casu Lugo tom. 2. de Just. D. 27. S. 7. n. 112. & alii communiter; quia in dato casu, pars est utriusque conditio, & quoad periculum, & quoad lucrum cessans; & lucrum non vi mutui, sed per accidens ex casu fortuito pretii crescentis, vel decrescentis sequitur. Si autem mutuans aliâ rem suam servasset ad tempus, quo rei pretium crevit, licet aliquid exigitur ultra sortem, ratione lucri cessantis, ut dictum est in præced. Et ideo etiam licet deducitur in paetum solutio illius sub conditione, si res interim in valore cresceret, in hoc casu; sic Lugo n. 133.

Bl. 20

1038 **R. 2.** Mutuantem licet pacisci de solvendis praefixo tempore duabus, si prævidit, probabiliter unam scapham tempore solutionis valituram tantum unum imperiale, quando, dum ipse mutuavit unam duntaxat scapham, hac valebat tres florenos. Ita Lessius cit. c. 20. d. 17. n. 146. quia tunc non formaliter, sed tantum materialiter recipit plus. Hanc resolutionem habere locum in casu, quo mutuans alias illud venditur erat, non est dubium; quia sic intervenit lucrum illi cessans, ex vi mutui. Illam autem extendit Pirhing n. 55. etiam ad casum, quo illud mutuans vel consumpturus erat, vel servaturus ad tempus pretij decrescentis; quia etiam tali casu non recupereret plus formaliter, quam dederit, *nimirum non plus quoad valorem, seu estimationem.*

1039 **R. 3.** Illicitam usuram esse, dato mutuo debitorem obligare, ut prius non solvat mutuum, quam ejus valor crescat; quia sic auctum pretium ultra valorem rei, quam, cum daretur, habuit, non alio titulo, quam mutui recupereret. Sic Lugo cit. n. 116. Unde si triticum valer tantum unum florentum, eo tempore, quo mutuatur, usurarium est pactum, ut in eadem mensura, & bonitate solvatur tantundem, si vel moraliter, vel probabiliter certum sit, illud tempore solutionis, plus quam modo valiturum; quia sic deberet *plus formaliter* reddi, quam mutuò datum sit. Lugo cit. S. 7. à n. 119.

1040 **R. 4.** Si in contractu mutui non fuit prævisum, quod rei pretium augabitur, vel minuetur, nec super hoc eventu aliquid in pactum deductum sit, præsumi, quod intentio contrahentium fuerit, ut juxta conditionem, & naturam mutui, res mutuata reddatur in eadem specie & bonitate, sive premium creverit, sive decreverit. Sic Lugo cit. n. 123. quia nisi aliter expressum sit, in dubio præsumitur, eos contraxisse naturam mutui. Si autem queras, quid tenendum sit in casu, quo mutuans prævidit, rei valorem augendum, vel minuendum, nec super hoc aliquid deductum est in pactum? n. quod præsumantur contraxisse eam intentione, ut si præsum est, quod res crescat, vel decrecat, reddatur eadem non secundum mensuram & bonitatem, sed eadem secundum valorem; quia sic solùm salvatur, quod dans mutuum non recipiat *plus formaliter* ultra

sortem; nec mutuatarius solvat minus formaliter, infra sortem.

§. 7.

An excusat ab usura; quod pecunia praesens detur pro futura?

R. Esp. cum, qui à mutuatario aliquid exigit ultrasortem *hoc præcisè titulo*, quod det pecuniam praesentem pro *futura*, committere usuram; Sic Cardenas supr. cit. dissert. 25. in propositiones prohibitas ab Innocentio XI. à n. 1. ubi ait, hanc propositionem (*cum numerata pecunia pretiosior sit numeranda, & nullus sit, qui non majoris faciat pecuniam praesentem, quam futuram, potest creditor aliquid ultra sortem exigere à mutuatario, & eo titulo excusari ab usura*) formalissimis terminis esse traditam à Caramuele, sed jam damnatam ab Innocentio XI. propositione 41. quia sic lucrum ultra sortem exigeret *vi mutui præcisè*, non *vi lucri cessantis*, damni emergentis, aut periculi. Si enim uno ex his titulo exigeret, non exigeretur præcisè ob id, quod, pecunia praesens melior sit futurâ, quia hoc falsum est, præcisis illis tirulis, ex dict. n. 1017.

Neque dicas cum Caramuele l. 2. 1042 Theol. moral. D. 14. n. 362. apud Tambur. in Decal. l. 8. c. 8. tr. 3. §. 7. dati alium, eumque distinctum titulum ab illis, exigen- di eo casu lucrum ultra sortem. Nam sicut est aliqua recreatio in videndis rebus pretiosis, in videnda comedia, & raris bestiis, ac ob id licet datur, & accipitur pecunia; sic erit recreatio in possidendi pecuniis, quâ recreatione se spoliat mutuans, & subit molestiam eam carenti; ob eamigitur molestiam credit, posse aliquid ultra sortem exigiri. Verum hæc doctrina passim rejicitur, ut videri potest apud Dicastill. & Tambur. cit. quia sicut illa recreatio in mero aspectu pecunia, sic molestia ex ejus carentia, est tantum avarorum, & gaudium, ac molestia imprudens, & fri-

vola. Ex hoc colliges i. pactum, aliquid ultra sortem dandi, & accipiendi, propter carentiam pecunia, seu pro eo, quod quis suscipiat obligationem, pecuniam mutuo datam, non rependi ante terminum, esse usurarium. Sic Less. I. 2. c. 20. d. 14. n. 127. quia talis obligatio est essentialis, & intrinseca mutuo, quod debet esse gratuitum, hoc est, salva justitia solùm exigit tantum



tum reddi, quantum datum est; aliæ excederetur æqualitas dati, & accepti. Colliges. 2. usurarium esse pactum mutuo adjectum, quo mutuarius obligetur vi mutui, ut vicissim mutuet sibi mutuanti, quia sic vi mutui ultra sortem mutuarius subiret gravamen pretio æstimabile. Sic Lugo tom. 2. D. 25. S. 5. n. 50.

§. 8.

An sit usura, fructus pignoris non computare in sortem?

1044 **S**ermo est de *fructibus*, qui excedunt sortem, expensas, & lucrum, quod ultra sortem exigere licet, quo posito. Et fructus pignorum in sortem principalem non computare, sed sibi reservare, præter casus exceptos, usuram esse illicitam, ex c. i. de usuris, ibi: si quis alicujus possessionem datâ pecuniâ sub hac specie (vel conditione) in pignus acceperit, si sortem suam (deductis expensis) de fructibus jam percepit, absolute possessionem restituat debitori. Si autem aliquid minus habet, eo recepto possesso liberè ad dominum revertatur. Quod si post hujusmodi constitutum in Clero quispiam extiterit, qui detestandis usurarum lucris insistat (nimirum ultra sortem suam, expensas, & lucrum justè debitum, aliquid de fructu pignoris retinendo) Ecclesiastici officii periculum patitur. Idem dicitur c. quoniam 2. & conqueſtus, 8. h. t. ibi: mandamus, quatenus, si terram ipsam titulo pignoris detinetus, & de fructibus ejus sortem recipitis, predictam terram, Clerico memorato reddatis, nisi terra ipsa de fendo sit vestri Monasterii.

Not. autem per *fructus* intelligi, quod supereft deductis expensis, ut cum communī docet Barbosa de Appellatīvis, appellat. 103. n. 22. & cū dicimus fructus domino pignoris restituendos, intelligimus de his, qui servati possunt usque ad tempus, dum restituendum est pignus; scūs enim pignorarius eos vendere potest, & pretium reddere domino.

1045 Dixi: *prater casus exceptos*; primus est, si Clericus à Laico acceperit in pignus possessionem Ecclesiae, quæ tali Clerico data fuit in beneficium; quia sic fructus ultra sortem percipit ex suo, non alieno. Constat ex cit. c. i. h. t. ibi: *nisi forte Ecclesia bēneſcium fuerit*, quod redimendum ei hoc modo de manu laici erat. Secundus: si pignus sit de terra, vel feudo monasterii,

cui in servitutem datum est, ut habetur in cit. c. *Conqueſtus*, de quo num. præced. Ratio est eadem. Tertius est de genero, qui non tenetur fructus pignoris recepti loco *dotis non soluta* in sortem computare; quia dote non solutâ, censentur pars dotis ad sustinenda onera matrimonii, c. *Salubriter*, h. t. Sic Castropalaus. n. 7. Sed hoc limita ad solum tempus durantis matrimonii. Ita ille p. 20. Quartus est, si vasallus feudum proprietario tradat in pignus debiti, remissâ pensione annuâ, ut colligitur ex c. i. de feudo, & c. *conqueſtus*, de usuris: quod Castropalaus p. 22. extendit etiam ad pignus emphyteuticum; non autem, usufructuum, vel usuarium.

ARTICULUS. III.

De usura in emptione & venditione.

Si stenus in definitione usuræ, quæ di-¹⁰⁴⁵ citur *lucrum quasiū ex munro*, in emptione, & venditione non videtur habere locum, ut colligitur ex c. 10. h. t. ubi tales dicuntur *quasi Usurarii*, & c. *In civitate* 6. h. t. ubi, postquam resertur hic casus: *in civitate tua dicas, sepe contingere, quod, cum quidam piper, seu cinnamomum, seu alias merces comparant, que tunc ultra quinque libras non valent, promittant se illic, a quibus illas merces accipiunt, sex libras statuto tempore soluturos*; respondet Pontifex, *licet contractus hujusmodi ex tali forma non possit censeri, venire nomine usurarum*: quia tamen etiam in hoc contra-*ctu*, sepe sine justa causa, lucrum injustum queritur, ex sola dilatione temporis, ex pecunia praesenti pro futura: ideo etiam ejusmodi lucrum *usura nomine* comprehenditur, & dicitur *usura interpretativæ*, seu *virtualiter*, ut notant Doctores apud Pirhing, h. t. n. 59. his præmissis:

Quæres 1. An sit usurarium, rem pluris vendere, quam valeat, cōd, quod differatur solutio pretii? Et, seclusis aliis titulis, solam pretii dilationem, non excusare ab usura; quia venditor in hoc casu plus formaliter acciperet, ac exigeret, quam dēt; ita colligitur ex c. *in civitate*, de quo n. præced. ubi, postquam dicitur, hujusmodi contractum non posse censeri *nomine usurarum*, intellige formalium, statim subiungitur: *nihilominus tamen venditores peccatum incurront, nisi dubium sit, merces illas plus, minusve in solutionis tempore valutas*. Et ideo crives in salutis sua bene